

道德山經黃聖表



御製

天地定位 陰陽協和 星辰順度 日月昭明
 寒暑應候 兩陽以時 山嶽靖謐 河海澄清
 草木蕃庶 魚鼈咸若 家和戶寧 衣食充足
 禮讓興行 教化修明 風俗敦厚 刑罰不用
 華夏歸仁 四夷賓服 邦國鞏固 宗社尊安
 景運隆長 本支萬世 正統十年十一月十一日



道德真經廣聖義卷之三十八

行一

唐廣成先生杜光庭述

使我介然章第五十三

疏前章明守母存子故歸

明無遺身殃此章明介然用知則行
道有唯施之畏初三句明有知則乖
道次兩句示道正而人邪又七句明
有知之生弊後兩句歎盜夸之非道

而以為戒爾○義曰前以歸明襲常
為所修之至要此舉有知行道所施
畏有所傷而大道坦夷人趨邪徑雖
庭華服侈且田廢廩虛處位者食獸
財豐在下者家空力竭以此為理誠
謂盜夸欲使斥彼淫奢節其劔服勤
三農之稼穡使萬井之豐穰國其永
寧人不為盜修身者約已窒欲務道
可俟飛翥者矣

使我介然有知行於大道

注老君言若使我耿介然於其有知欲行大道既與道不合故惟所施為是皆所可畏也

疏使我者老君假設之詞也介然謂耿介

然有知之兒行一夫道非知法而代人欲以有

知行道故老君患其蔽蒙昌言曰使我耿

介然矜其有知欲行無為大道於天下者

有知則與道相乖而失無為清靜之化唯

所施為將害於物故可畏懼也

義曰至道之君勤行之士不以多智而爲道不以博識而探真道不可知知之益遠矣莊子智北遊篇曰智遊於玄水之上問無爲謂曰何思何慮則知道何處何服則安道何從何道則得道三問不答非不答

不知答也智返於白水之南以問狂屈狂屈曰唉余知之矣欲言而忘其所言智又返於黃帝之宮以問黃帝黃帝曰無思無慮始知道無處無服始安道無從無道始得道智謂黃帝曰我與汝知之無爲謂狂

屈不知也其孰是耶黃帝曰無爲謂真是也狂屈似之我與汝終不近也知者不言言者不知故聖人行不言之教此謂道離有說而非說能明故知之者與道遠矣此欲使帝王行不言之教不欲介然而知也

行一

二

又泰清問於無窮曰知道乎曰不知又問無爲曰知之道也可以貴可以賤可以約可以散泰清以此言問於無始曰無窮與無爲兩者孰是無始曰不知深矣知之淺矣不知內矣知之外矣道不可聞聞而非

也道不可見見而非也道不可言言而非也此則介然有知欲行於道既乖道矣能無畏乎

大道甚夷民甚好徑

注大道平易是畏有知而人多故欲心求

捷如彼行人好從邪徑邪徑之弊其如下文

疏夷平也徑邪捷之道言大道坦然平易而人好從邪徑且大道之化貴夫無爲無爲則平易而代之從事不能息智於無欲

將役心以應務始雖好徑而求捷終則失道而焚和故云人甚好徑

義曰道本坦夷無爲即可致人好邪徑涉迹則乖真邪捷則行之者多平夷則好之者寡其故何哉邪教順俗率下士之易從

行一

三

大道澹然非上智而難守故造邪徑者多也孔子弟子有澹臺滅明字子羽居武城行不由徑樂道安貧爲儒教之所重況修真參道而溺於邪徑者過莫大焉理國者在於去奸邪崇正直進忠謹黜佞人然後

至理可期太平可致爾焚和者莊子外物
篇云陰陽錯行天地大駭水中有火乃焚
大槐利害相摩生火甚多衆人焚和言害
生於欲欲火焚其真性而傷天和也

朝甚除

注尚賢矜智生巧僞除理也

疏除理也言好徑之君不尚無爲之化但
以有爲爲理雖云甚除有爲則傷巧詐故
注云尚賢矜智生巧僞又解云朝廷修理
峻宇雕牆故云甚除

義曰上即進智巧之人矜朝廷之理次則竭生靈之力壯華侈之居用巧智則朝雖崇嚴下民困弊華侈則君迷隆盛百姓崩離豈若茅屋采椽垂衣致理修身者被褐懷玉無徇繁奢以傷其行也峻宇雕墻者

尚書五子之歌詞也夏啓之子太康嗣位樂于盤遊兄弟五人作歌曰外作禽荒內作色荒酣酒嗜音峻宇雕墻有一於此未或不亡峻宇者宮殿崇高也雕墻者垣墻

雕麗也

田甚蕪

注浮食惰業廢農事也

疏草長曰蕪淫巧浮食則農事荒蕪既闕
嘉生之報何望如坵之積

義曰智巧在朝邪佞居位尚浮華則惰業

行一

四

重雕峻則傷農田畝蒿萊人力疲瘵何以
致人安國霸乎詩曰不稼不穡胡取禾三
百廛兮夫士農工商各守其業則無惰遊
冗食之人矣既廢農尚詐則浮食者多國
力困矣如坵者積土曰坵言豐年稼穡所

積如京如坻多也京大也

倉甚虛

注南畝不收無儲積也

䟽年登則廩實農廢則倉虛自然之理也
義曰肆邪任智害政傷農浮冗既多倉廩

不實理固然矣欲使君慕清虛臣懷端慤
奸邪徑塞正直門開無華宇崇臺絕浮遊
冗食勸農則廩實靜理則人安至於澡雪
修真洗心守道於身於國何莫由斯也

服文彩

注刻雕綺繡害工利

疏青赤為文色絲為彩言賤質而貴文也
義曰朝既除理君尚浮華文彩飾裝理無
爽也

帶利劍

行一

注文德不修尚武備

三

疏利劍者武備也夫文德者理國之器用
武功者文德之輔助而文為本武為末今
專事武功是弃本而崇末也

義曰利劍之用制敵所先非理國之大器

今重而帶之是輕於文而弃於本矣武備者春秋定公十年夏與齊景公會于夾谷孔子攝行相事曰臣聞有文事者必有武備有武事者必有文備諸侯出疆必具官從請具左右司馬定公從之會所爲壇位土階三等以遇禮相見揖讓而登獻酬已畢齊使萊人以兵鼓譟劫定公孔子歷階而進不盡一等以公退曰士兵之吾兩君爲好而裔夷之俘敢以兵亂之非齊君所以命諸侯也裔不謀夏夷不亂華俘不干

盟兵不逼好於神為不祥於德為愆義於
人為失禮君必不然齊侯心忤麾而避之
有頃齊侯奏官中之樂倡優侏儒戲於公
前孔子趨進歷階而上不盡一等曰疋夫
而熒侮諸侯者罪應誅請有司速加法焉
於是斬侏儒手足異處齊侯懼有博之
盟齊侯歸責其羣臣曰魯以君子之道輔
其君而子獨以夷狄之道教寡人得罪於
魯君乃歸所侵魯鄆謹龜陰之田此文事
有武備也

獸飲食

注烹肥擊鮮重滋味獸飫也

疏獸飲食也庖廚豐厚獸飫芳鮮上多玉食之資下有凍餒之患矣

義曰國用智詐君尚有為道化不行農畝

行一

六

弛廢而嘉羞美饌獸於庖燔疲人有凍餒之悲朝市有珍鮮之飫豈不痛哉

財貨有餘

注聚斂積實饒珍異

疏財貨謂錢帛珠玉之流也多藏厚斂有

餘也未學不貪為寶但欲多財累愚爾
義曰古之所謂寧積於人無藏府庫誠哉
言乎孔子曰百姓不足君孰與足斯則民
豐國安矣若積聚無已谿壑難盈帑藏有
餘民力困竭非王霸之道也

是謂盜夸非道也哉

注矜其有知動以成弊行同盜竊仍自矜
夸夸盜非道適令興歎也哉者歎之辭也
䟽非理而取為盜矜其所有為夸且頭會
而歛取於不足縱欲而費奉其有餘傲然

自得以爲夸尚謂之爲盜不亦宜乎所爲
如此則非吾所行之道矣也哉者傷歎之
辭也

義曰不以道德臨人而任智詐爲國內尚
奢巧下竭黎元私室不足於糟糠公府有

行一

七

馱於梁肉貨財豐衍壠畝榛蕪而伐善矜
能大爲夸尚理身者聲色蕩心珠翠亂目
嗜欲傷性機智驚愚真氣耗於三田赤子
淪於六藏尸居餘氣而徇祿矜夸斯爲盜
也去道遠矣老君以此垂文用申炯戒修

身理國可以為殷鑒焉盜者說文云私利物者曰盜從次從皿次口液也口液在於皿器之上欲得物也故謂之盜字林云取非己之物曰盜言飲食珍異財貨殷豐馱既有餘而不修己德財富德薄叨竊無殊不自省循乃復矜伐非盜而何特宜謙戒哉

善建不拔章第五十四

疏前章明好徑之君若盜

夸而非道此章明善建之主享不拔而長存首標以道立國修身之益次故以身下明觀身觀家之法後吾何以下結歎惠照所知之驗。義曰立

國以道德國不可拔率人以道德人
不可離所以享國無窮子孫不絕其
何術哉身修道以正其家修道而
正其鄉鄉修道而正其國國修道而
正天下以修道之益觀不修道之損
其理亂可知存亡可見矣
其在息盜
夸之行俊好徑之心於
國於身吉凶斯兆矣

善建者不拔

注善能以道建國立本者不可傾拔

疏建立也不拔不傾拔也言人君善能以
道建邦立本者因百姓之所為任兆人之
自化然後陶以淳朴樹以風聲使儀刑作
孚樂推不厭則功業深固萬方歸德斯所

謂善建者何可傾拔乎

義曰立國不以道衆叛親離立身不以道
犯危蹈禍敗不旋踵傾拔可期唯道德爲
基則無危殆矣儀刑作孚者詩大雅曰儀
刑文王萬邦作孚孚信也文王以道垂化

行一

萬邦歸信也樂推不厭者此經第六十六
章之詞也言聖人欲上人以其言下之欲
先人以其身後之處上而人不重處前而
人不害天下樂推而不厭以其不爭故天
下莫能與之爭此善霸國立身之旨矣風

聲者德風之聲

善抱者不脫

注善能以道懷抱百姓者不可脫離
而悅隨何可脫離也且夫樂餌所在過客
而悅隨何可脫離也善以道懷抱百姓者動
而悅隨何可脫離也且夫樂餌所在過客
而悅隨何可脫離也

猶止況夫道德有進於此乎以之御物為
物所歸固其宜也

義曰聖人乘時立極任物為心四海歸仁
萬方順化國之基不可以傾拔人之心不
可以脫離昔周大王紹古公亶父之德始

王於邠迫於犬戎狄人攻之事之以皮帛
而不受事之以車馬而不受事之以珠玉
而不受曰狄人所求者貪吾之土地也不
可禦備以勞人征伐以役人而存吾身乎
與人兄居而殺其弟與人父居而殺其子

行一

九

吾不忍也子皆勉居矣為吾臣與狄人之
臣亦何以異且吾聞之不以所用養害所
養因策杖而去之民相連而隨之成國於
岐山之下有三子其小子季歷生文王文
王為西伯律身修德而興周業八百餘年

此蓋善得人心不可脫而離之也樂餌所
存者上經第三十五章之詞也曰樂與餌
過客止言嘉樂所奏者膳所陳過客聞而
聽之見而美之為之留止況道德昭著人
固悅而隨之也

子孫祭祀不輟

注言善以道德建抱之君功施於後愛其
甘棠況其子孫乎而王者祖有功宗有德
故周之興也始於后稷成於文武周之祭
也郊祀后稷宗祀文王故雖卜代三十卜

年七百毀廟之主流溢於外而后稷文王
郊宗之祀不輟止也

疏祭薦也繼代曰祀謂後代子孫薦祀於
祖宗也輟止也

義曰理國以善立善抱則祚流子孫修身

以善立善抱則年踰稟受祭祀不輟亦業
無窮矣愛其甘棠者詩甘棠篇曰蔽芾甘
棠勿剪勿敗召伯所憇昔周武王之有天
下使周公旦分理陝東召公奭分理陝西
召公有德民樂其化常不欲勞人之力乃

坐於甘棠樹下以聽訟焉後人懷其德而
存其樹不翦不伐詩以美之也祖有功者
帝王立國必藉積代之福而有天下及功
成制禮必本其先祖有功者而祀之有德
者而尊之宗尊也后稷姬姓之後名棄為

行一

十

堯之臣歷事於舜黎民阻飢后稷播種百
穀以濟於民功格於物也為農正其後子
孫亶父至于文王武王乃有社稷故其宗
廟郊祀后稷以配天宗祀文王以配地雖
親盡廟祧其后稷文王始祖之廟世世紀

之至秦漢革命祭祀方止漢承堯後唐堯
有聖德功及於民其後子孫乃興漢業代
世宗祀及魏受漢禪祭祀方止德明皇帝
皋繇佐堯事舜種德及民故我唐承其遺
福受命享國追尊為德明皇帝焉

修之身其德乃真

注修道於身德乃真淳也

疏此下明少修少證多學多得故修之身
謂一身修修之家謂一家修始於一身修
於天下例可知也言善立之人照了真性

真性清淨無諸偽雜偽雜既盡德乃真純也

義曰夫千里之行跬步為始修身理國先已後人故近修諸身遠形于物立根固本不傾不危身德真純物感自化矣

行一

十

修之家其德乃餘

注一家盡修德乃餘羨

疏修道於家上和下睦故其德有餘慶也故易曰積善之家必有餘慶

義曰身既有道家必雍和所謂父愛母慈

子孝兄友弟恭夫信婦貞上下和睦如此
則子孫流福善及後昆矣積善者易坤卦
文言曰坤道其順乎承天而時行積善之
家必有餘慶積不善之家必有餘殃此明
吉凶有漸先明所行善惡故後彰其吉凶
一家修道善必有餘矣

修之鄉其德乃長

注一鄉盡修德乃長久

疏按周禮萬二千五百家爲鄉言一鄉修
道禮義興行尊卑有序閭閻相比不黨於

親一家修道德猶未廣一鄉盡修德乃長
久

義曰君子之立行也正其身以及其家正
其家以及其鄉尊其長老敬其幼少教誨
愚鄙開導于昏蒙少長得宜尊卑有序風教

肅肅禮樂誥誥由一身之所修乃萬家之
所稟道之化物善莫大焉所以優長久永
也

修之國其德乃豐

注一國盡修德乃豐盈

疏修道於國風易俗移還淳反朴不偏於
所近一鄉修道德猶未徧一國盡修德乃
豐厚

義曰一國者諸侯之國也公侯伯子男各
主一國所以藩屏王室輔衛帝居若一國

行一

十二

之中自能修道則禮行化美君信臣忠境
內無虞其德豐大矣

修之天下其德乃普

注若天下盡修其德施乃周普也

疏普徧也夫百姓歸厚在君之化修之廟

堂德流海外者蓋正其身不言而化不教
而理下之應上如響應聲德無不周乃施
普也

義曰道之行也先諸身而後諸物故曰未
聞身理而國亂身亂而國理也所以身修
於內物應於外德發乎近及乎遠一夫感
應尚猶若此況於帝王乎天子味道耽玄
敬天順地凝心玄默端已無爲書軌大同
梯航入貢四夷歎附萬國來王道無不被
故其德周普矣廟堂者天子政事之所也

德施普者易乾卦象云見龍在田德施普也言龍潛於初九見於九二當潛之時功未濟時德未及物待時而動靜以全身及九二出見布德行化周及萬方所以徧普也夫龍者喻陽氣也陽氣當子月初生潛於幽泉之底行一丑月出見乃能生化萬物感其發主之功故周施陽氣普及於物也

故以身觀身

注以修身之法觀身能清淨者乃真

疏觀者照察也注云以修身之法觀身能

清淨者乃真謂觀身實相本來清淨不染
塵雜除諸有見有見既遣知空亦空頓捨
二偏迥契中道可謂清淨契真矣

義曰不修道之身動違正理名辱身危修
道之身外絕衆緣內染一氣除垢止念守
一凝神以慧照自觀證了實相不滯空有
深入妙門可以得道理國之君允執厥中
則永享天祿也

以家觀家

注以修家之法觀家能和睦者有餘

疏以修家法觀家家人和睦則福善有餘
義曰不修道之家不睦六親不遵五教動
撥災否上下崩離修道之家九族允和衆
善咸萃易家人卦九五象曰王假有家交
相愛也此言居於尊位而明於家道六親
和睦茲之於政即天下化之交相愛樂也

以鄉觀鄉

注以修鄉之法觀鄉能順序者乃長

疏以修鄉之法觀鄉鄉人盡修道尊卑順

序道化漸廣德乃延長

義曰不修道之鄉禮敬不行長幼失序貴
賤陵虐上下交爭修道之鄉德既優長人
叶其序肅靜善順境泰人和也

以國觀國

注以修國之法觀國能勤儉者乃豐

行一

十四

疏以修國之法觀國國人盡修勤而且儉
德乃豐盈

義曰不修道之國干戈構役虐害其民瘡
毒流行人罹其酷修道之國神明助祐風
雨以時善化所覃嘉祥自應人豐德富理

使之然矣

以天下觀天下

注以修天下之法觀天下能無為者乃普
疏夫以天下觀天下者復何所觀哉亦但
觀身爾人君清靜無為以道善建善抱自
然百姓胥附國祚乂安

義曰以不修道之天下者桀紂是也生人
塗炭寰海判離骨肉仇讎社稷塗地雖有
謀臣武士不能用也雖有金城湯池不能
守也以萬乘之貴希足夫之生不可得也

修道之天下者堯舜是也四海之內比屋
可封慈惠浹於殊庭正朔頒於萬寓雖有
水旱之災年不害也雖有征伐之師人不
怨也其何故哉以正身九重天下自順然
後登真證道常存不亡昭昭乎萬代師範
矣

行一

十五

吾何以知天下之然哉以此

注以此觀身等觀觀之則可知矣

疏此假設之詞也老君言我何以知天下
善建則不拔善抱則不脫福德弘益之然

乎。蓋以此觀身等觀而觀之。自家刑國由
內及外。則知爾易曰觀我生。又曰觀其生。
將欲自觀而觀人也。

義曰老君聖慈愍物垂教。殷勤重明於家
於國。理亂之由。修之與不修之證。再自舉
問。廣示羣迷。何以知天下興亡。蓋以此五
觀之法。觀其善惡損益之驗。爾觀我生者。
易觀卦六三云。觀我生。謂進退之象也。我
生身所動也。六三居下體之極。是有可進
之時。又在上體之下。復在可退之位。遠而

非物不爲童觀之卑上非九四未能觀光
於國既居進退之地可以自觀我生可進
即進可退即退觀風相機其道未失此以
卦象之理進退則然若夫觀國觀身義在
力修道德道德修則國不傾拔享福登真
失道德則國削祚危禍至身辱以爲君臣
至誠得不自勗哉所云觀其生者最處上
極高尚其事生亦道也爲天下觀其已之
道故云觀其生也以爲特處異地爲衆所
觀既居天下可觀之地可不慎乎君子謹

慎乃得無咎正義云我生其生皆動出生
長之義也

道德真經廣聖義卷之三十八
共列

行一



